



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-018-4/22**

Datum: **02.03.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica JP „Vodokom Domaljevac“ d.o.o. Domaljevac-Šamac za donošenje rješenja o vodnoj dozvoli za zahvatanje vode sa izvorišta „Bare“-Blato a za potrebe snabdijevanja pitkom vodom potrošača na području općine Domaljevac-Šamac, na osnovu člana 139. stav 1. tačka 1. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“ br. 2/98 i 48/99), donosi

RJEŠENJE **o vodnoj dozvoli**

1. Daje se vodna dozvola pravnom licu JP „Vodokom Domaljevac“ d.o.o. Domaljevac-Šamac, za zahvatanje vode sa izvorišta „Bare“-Blato putem arteškog bunara izgrađenog na zemljištu označenom kao k.č. 5768/4 K.O. Domaljevac, u svrhu snabdijevanja pitkom vodom potrošača na području općine Domaljevac-Šamac.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz slijedeće uslove:
 - 2.1. Da se iz bunara izgrađenog u sklopu izvorišta „Bare“-Blato, vrši crpljenje vode u optimalnoj količini, tj. pod istim uslovima pod kojim je utvrđena njegova optimalna izdašnost od 22,36 l/s te da se ista u toku eksploatacije ne prekoračuje
 - 2.2. Da se predmetni objekti održavaju u funkcionalnom stanju u skladu sa njihovom prirodom i namjenom i izdatim vodnim aktima.
 - 2.3. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.4. Da korisnik predmetnog objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.5. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 40/10, 43/10, 30/12 i 62/17), vodovodni sistem isključiti iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.6. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.7. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.8. Da se na području vodozahvatne zone sprovode zaštitne mjere za izvorišta, a po Odluci o zaštiti izvorišta vode za piće „Bare“-Blato broj: 04-05-1197/10 od 09.07.2010. („Službeno glasilo općine Domaljevac-Šamac“, broj: 3/10). Ova Odluka je bazirana na

tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12). Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12).

3. Korisnik objekata je obavezan, nakon puštanja u funkciju predmetnog vodovodnog sistema, vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj dozvoli ne mogu se prenositi na treća lica.
5. U ovoj upravnoj stvari plaćene su sve upravne pristojbe.
6. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
7. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
8. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
9. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP „Vodokom Domaljevac“ d.o.o. Domaljevac-Šamac, obratilo se ovoj Agenciji dana 25.01.2022.godine sa zahtjevom za izdavanje vodne dozvole za zahvatanje vode sa izvorišta „Bare“-Blato a u svrhu snabdijevanja vodom potrošača na području općine Domaljevac-Šamac.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o registraciji, broj: 025-0-Reg-21-000 074 izdatog 29.07.2021. od strane Općinskog suda u Orašju,
- Ovjerena kopija Uvjerenja o registraciji poreskog obveznika, izdatog dana 03.08.2021. od strane Porezne uprave-Kantonalni porezni ured Orašje,
- Kopija Obavjesti o razvrstavanju pravne osobe prema klasifikaciji djelatnosti, broj: 07-32.5-11056/21 izdate 04.08.2021.godine od strane Službe za statistiku za područje Posavskog kantona,
- Kopija Odluke o osnivanju Javnog poduzeća „Vodokom“ d.o.o. Domaljevac, broj: 04-04-102/21 donijeta 26.05.2021. godine od strane Općinskog vijeća Domaljevac-Šamac,
- Kopija Odluke o vodoopskrbi (iz općinskog vodovoda Domaljevac), broj: 04-04-160/21 donijeta 17.12.2021. godine od strane Općinskog vijeća Domaljevac-Šamac,
- Kopija Statuta JP „Vodokom Domaljevac“ d.o.o. Domaljevac, broj: 04-04-139/21 donesen 23.09.2021. godine,
- Nalaz mikrobioloških pretraga vode za piće urađen 09.12.2021. godine od strane Zavoda za javno zdravstvo Županije Posavske Orašje,

- Rezultati mikrobioloških i fizičko-kemijskih ispitivanja vode za piće urađeni 26.05.2021. godine od strane Odjela za Javno zdravstvo Brčko Distrikta,
- Odluka o zaštiti izvorišta vode za piće „Bare” - Blato, broj: 04-05-1197/10 od 09.07.2010. godine („Službeno glasilo općine Domaljevac-Šamac”, broj 3/10),
- Projektna dokumentacija vodozahvata u Domaljevcu – Glavni projekat urađen maja/svibnja 2005. godine od strane Zavoda za vodoprivredu d.d. Sarajevo,
- Kopija uplatnice upravne takse,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH”, broj 31/15, 55/19 i 41/20), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-018-3/22 od 23.02.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za vodosnabdijevanja stanovnika na području općine Domaljevac-Šamac koristi se voda sa izvorišta vode za piće „Bare”-Blato. Na lokalitetu „Kalište” na zemljištu označenom kao k.č. 5768/4 K.O. Domaljevac izveden je bunar arteškog tipa. Na bazi provedenih analiza i dobijenih podataka određen je maksimalni kapacitet bunara u iznosu 33,54 l/s, a usvojen je dozvoljeni kapacitet bunara na 22,36 l/s.

Voda iz bunara se bunarskom crpkom potiskuje u sabirni bazen iz koga se centrifugalnim pumpama (2+1) potiskuje u vodotoranj koji je izveden u neposrednoj blizini bunara.

Dezinfekcija vode se vrši natrijum hipohloritom koji se dozira na dovodnom cjevovodu u sabirni bazen. Oprema za dezinfekciju i mjerač protoka smješteni su u suhoj komori sabirnog rezervoara.

Prva zaštitna zona oko izvorišta i vodotoranja je propisno ograđena.

Vodovodni sistem trenutno nije u funkciji, u toku su aktivnosti na izradi priključaka. Planirano da se u prvoj fazi priključi oko 200 domaćinstava i oko 20 privrednih subjekata.

Podnosilac zahtjeva uplatio je posebne troškovi prema Zaključku ove Agencije broj: UP-1/21-3-40-018-2/22 od 11.02.2022.godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JP „Vodokom Domaljevac” d.o.o. Domaljevac-Šamac, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16) i Odlukom o visini posebnih vodnih naknada („Službene novine Federacije BiH”, broj 46/07).

Konstatuje se da je podnosilac zahtjeva JP „Vodokom Domaljevac” d.o.o. Domaljevac-Šamac, ispunio minimum uslova za izdavanje vodne dozvole za zahvat vode sa izvorišta „Bare”-Blato, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području grada Domaljevac-Šamac, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.inž.građ.

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- JP „Vodokom Domaljevac“ d.o.o. Domaljevac-Šamac
Ul. Sv. Ane br. 102, 76233 Domaljevac-Šamac
- AVP, ISV – Vodna knjiga
- Sektor 50,
- ⊖ Sektor 40, arhiva
- oglasna ploča – AVP Sava